

FUTBOLA

Heynckes: «Entrenatzailea ezin da inoiz jokalarien laguna izan»

Alemaniarra Athleticeko jokalariekin bildu zen atzo goizean Lezaman

Heynckesek berba gogorrak esan zituen astelehenean jokalarien kontra baina ez dio buruko min handirik ematen hauen haserrearek, bere ustez entrenatzaileak ez baitu jokalarien laguna izan behar. «Taldeari errendimendurik onena ateratzen saiatu behar dut. Hala ere, argi dago arlo batzuetan desadostasunak daudela ni eta jokalarien artean», esan zuen Heynckesek.

RAMON BASALDUA / BILBO

Athleticek San Mamesen jokatu dituen azken bi partiduetan puntu bakarra lortzeaz gain, denboraldian zehar eskuratu zituen positiboak galdu egin ditu. Jupp Heynckes haserre dago bere plantilarekin eta jokalariekin bildu zen atzo goizean Lezaman, Gijoneko Sportingen kontrako partida aztertzeke. Zuri-gorrien entrenatzailea ez dago pozik taldearen errendimenduari eta datozen partiduetan 'zeozer' gertatu behar duela esan zuen.

Heynckesek argi eta garbi esan zuen atzo, jokalariekin harreman zuzena eta ona izan arren, bera ez dela euren laguna izaten saiatzen. Entrenatzaileak aitortu egin zuen atzo desadostasun batzuk daudela bera eta jokalarien artean. «Ni ez naiz Bilbora etorri



Jupp Heynckesek argi utzi zuen zein den bere pentsamoldea atzoko prentsaurrekoan.

SIMAL

dirua irabaztera bakarrik. Gustura nago lanean eta zeezer lortu nahi dut kirol arloan eta horretarako gogorra izan beharra dut batzuetan. Ez dakit jokalariai haserre dauden ala ez, baina haserre baldin badaude azken finean onerako izango dela uste dut», esan zuen zuri-gorrien entrenatzaileak.

Entrenatzaile alemaniarren esanetan, Athleticek liga honetan zortzigarren postuan amaitzea da egun bere helburua. Nolanahi ere, zortzigarren, bederatzigarren edo hamargarren geratu arren, hemen bere lana onartu

✓ «Ni ez naiz Bilbora dirua irabaztera soilik etorri, kirol arloan zerbait lortzera ere etorri naiz».

egiten dela gaineratu zuen.

JOKALARI GUZTIAK VALENTZIARA

Athleticeko plantila osatzen duten jokari guztiak eramango ditu Heynckesek Valentziara, min hartuta daudenak izan ezik noski. Bilbo-ko taldeak bihar egingo du azken entrenamendua Lezaman, arratsaldean Valentziarako bidea hartu aurretik. Valenciaren kontra larunbat arratsaldean jokatu ondoren, bertan geratuko dira zuri-gorriak, Albaceteren kontrako partidua prestatu asmoz.

Ziganda eta Valverde ia osatuta daude eta gainerako jokalariekin batera joango dira Valentziara. Xabier Eskurzak ordea, kolpe gogorra hartu zuen saihe-tsean eta hobera egiten ez badu Bilbon geratuko da.

Ziganda eta Valverde ia osatuta daude eta gainerako jokalariekin batera joango dira Valentziara. Xabier Eskurzak ordea, kolpe gogorra hartu zuen saihe-tsean eta hobera egiten ez badu Bilbon geratuko da.

Zabala eta Albertok lehen partidua jokatu dute profesional modura

PELLO AIESTARAN / DONOSTIA

Reala Zubietan entrenatu zen atzo goizean, ohi duen bezala, eta ondoren John Toshackek gaur ETB torneoan Alavesen kontra jokatu duen partidurako deialdia jakinarazi zuen. Guztira hamasei gizon izango dira Mendizorrozoak neurketarako deialdian sartu direnak, horietatik zazpi Real B taldekoak. Hau da zerrenda osoa: Alberto, Patxi, Irazoki, Estefano, Lumbreras, Loinaz, Carlos Martinez, Imaz, Zabala, Ibarguren, De Pedro, Aranzabal, Leturia, Jokin Aginaga, Cuyami eta Gastesi.

Zalantzarik gabe, Zabala eta Alberto izan ziren atzoko protagonista nagusiak, jadanik Realeko lehen plantilako kideak baitira. Bai Hernaniko atzelariak eta bai Irungo atezainak aurtengo

denboraldian izan dute 'handiekin' jokatzeko aukera, filia-lekoak izan arren. Zabalak Deportiboren aurka egin zuen bere lehen partidua, eta Albertok, berriz, Real Madriden kontra Atotxan, Kopako partiduan.

Aurtengo denboraldia amaitzeko geratzen diren partiduetan, ez dute jadanik Real B taldearekin jokatzeko izango, eta oso zaila dirudi Toshackek jokatzeko aukera ematea ere. Albertok horrela uste du behintzat. «Ni jokatzeko lan egiten ari naiz, baina ez dakit zer gertatuko den». Iñaki Zabalak bestalde, oraindik kontutuz ibili beharra dagoela aipatu zuen. «Partidu zailak geratzen dira, Ligako lehen sailkatu guztien aurka jokatu beharko baitugu. Oraindik ez dago ezer erabakita. Osasunaren kontra irabazi beharra dugu».



Pedro Arozarena.

JOXE

Arozarena: «Hiru puntu lortzeko premia larria dugu»

JUAN KRUIZ LAKASTA / IRUÑA

Osasunak atzo ekin zion Realaren kontrako derbia prestatzeari, astearteko atsedenaldiraren ostean. Azken hilabeteotan gehienetan hasierako hamaikakoetatik landa geratu da Pedro Arozarena 'Perolo', baina zurrerik Atotxan zelairatuko diren artean egonen da. Martin Gonzalez lesioa medio, Arozarenak jokatzeko aukera izan zuen larunbatean Manzanaresean, eta Atotxan berriro ere aukera bera izatea espero du. «Aspaldiko partez jokatzeko aukera izan dut, eta espero dut liga amaiera arte hasierako hamaikakoetan toki bat izatea. Urtarrila arte jokatzeko aukera izan nuen, eta haxe beste aukera bat da niretzat, bigarrena».

«MAZANARESEN EZINTASUN IZUGARRIA»

Esan bezala, Perolo Manzanareseko berdegunean aritu zen joan den larunbatean, eta gertutik ikusi ahal izan zituen Rivas Fernandez arbitroak hartutako erabakiak. «Ni zelaian egon nintzen, eta ezin dut azaldu sentitu nuena, ezintasun izugarria». Bere ustez Bustingorrik izandako hutsa gehiegi kritikatu da «etxeko jokalariekin gertatu ohi denez» eta bestalde, Ezkurak afera dela eta hartutako jarrerarekin bat dator, erabakia soil-soilik lehendakariari dago kiola azpimarratu badu ere. «Manzanaresean gertatutakoa nolabait zitzada bat izan da, eta guztiok datorren norgehiagokan punturen bat lortzeko irrikitan gaude. Gogo handiz ariko gara».

Jokari gorritxoentzat ezin bestekoa izanen da kimen hori ligaren amaiera arte gordetzea, Manzanaresean galdu eta gero promoziotik gertuegi geratu baita Osasuna. Promozioaren mamu horrengandik lehenbailehen aldentzea gauzarik garrantzitsuenak da Arozarenarentzat. «Orain hiru puntu lortzea da garrantzitsuenak. Nire ustez premia larria dugu, ezin baitugu amaiera arte itxaron betirako promozioa ahazteko».



C. Martinez eta Loinaz titular izango dira gaur Alavesen kontra. J.C. RUIZ

ORIXE Ikastolaren Oharra

Orixeko ikastolako bazkideei dei egiten zaie, 1993ko maiatzaren 20ean egingo den batzar berezira.

Batzarra argibideak eskeintzeko izango da. Lehen deialdia 7.30etan eta bigarrena 8.00etan izango da. Baita ere adierazi hurrengo egunean 5etatik 8etara, bozketa egingo dela sare publikoan sartu ala ez erabakitzeko.

Donostia, 1993 Maiatzak 19 BATZORDEA

Kanpanario Kalea, 2

Tel.: 42.95.22

20003-DONOSTIA